

BUAT pertama kalinya silat olahraga akan disertakan dalam acara Sukan SEA yang akan diadakan di Jakarta dari 9 hingga 20 September ini.

Sempena penyertaannya, *Berita Minggu* telah mengambil kesempatan mengadakan interviu khas dengan Pengerusi Persisi, Haji (Abdul Rahim Dayan.)

Dalam pertemuan itu, antara lain beliau telah menyentuh usaha-usaha mengembangkan silat di dalam negeri mahupun di peringkat antarabangsa.

Silat olahraga semakin sihat

Berlatih gigih
23 AUG 1987
sejak
Berita Minggu
November

PESILAT-PESILAT Singapura telah menjalani latihan intensif sejak November lalu bagi persiapan Sukan SEA ini.

Latihan ini akan menjamin bukan saja Persisi akan menghantarkan wakil yang 'fit' bahkan juga dapat menajamkan taktik-taktik persilatan.

Latihan telah dimulakan seminggu sekali sejak lewat tahun sudah. Ia kemudian ditingkatkan dua kali seminggu mulai Januari dan tiga kali seminggu pada Februari.

Tetapi selepas Ramadan, latihan telah ditingkatkan kepada empat kali seminggu.

Dua daripada hari-hari latihan itu, kata Pengerusi Persisi, Haji Rahim Dayan, adalah untuk pembinaan stamina dan latihan jasmaniah.

Dan dua hari lagi diuntukkan bagi mempercekapkan teknik-teknik perlawanan di gelanggang seperti serangan dan pertahanan.

Dalam menjalani latihan tersebut, Persisi telah mendapat bantuan kewangan dan perubatan di bawah Skim Bantuan Latihan Sukan, Majlis Sukan Singapura bernilai \$4,800.

Pegawai,
jurulatih
Berita Minggu
turut
23 AUG 1987
ke Jakarta

SELAIN daripada menghantar sepuluh orang pesilat, Persisi juga akan menghantar seorang pegawai dan seorang jurulatih ke Sukan SEA di Jakarta.

Setiausaha Agung Persisi, Encik Johari Uriff akan bertindak sebagai Pengurus Pasukan dan Encik Hosni Ahmad sebagai jurulatih.

Lima orang pegawai Persisi yang dikirimkan sebagai wasit dan juri ialah: Encik-Encik Shukor Rais, Mohd Noh, Johari Mokti, Iskandar Muda Jalil dan Ali Muhammad.

Pertandingan silat di sukan tersebut akan berlangsung pada 11 hingga 15 September.

Inilah pertama kali Sukan SEA menyertakan silat sebagai salah satu acaranya.